

AB

153004



0071
1/2

1. Copieen et lifer fforten
so der Landgraff zu Hessen
an Ludwig Moritz in Daffon
gegeben, 1546.
- #
2. Klage tontfland gegen
den Ruffen Carl den vten.
1520.
3. Fürfür Joh. Fried. zu Daffon
entdarbung gegen Ruffen
Carl den vten. 1546.
23.
4. Zeitung aus Welfland Iwanis
zu wiffen das der vater
den Ruffen zum Ruff
besetzt 1546



Warhafftiger Abdruck
 der Artickel / welcher sich Bepfliche
 Heiligkeit / mit dem 3igen Keyser Karolo verglichen vnd
 verbunden / belangende den vberzug / auff die Euangelischen
 Stende / zu derselben wahren Religion Ausstiltung vnd vnterdrückung.
Psalmus / xxvii.

H E Rr gib ihnen nach ihrer that / vnd nach ihrem bösem
 wesen / Gib ihnen nach den wercken ihrer hende / vorgilt ihnen
 was sie vordienet haben / Dann sie wollen nicht achten auff
 das thundes H E R R E N / noch auff die werck seiner hende /
 Darumb wurde er sie zubrechen / vnd nicht bawen.





E ist bisher aus sonderlicher
vorsehung Gottes / gnugsam ahn das liecht kö-
men / auß was vrsachē der Keyser die ißige kriegs
empörung / sonderlich auff arglistiges mörderisch
anreizen / des Pappstes zu Rohme fürgenohmen / vnd dieselbi-
gen wider die Euangelischen Stende vnterdruckung / vortil-
gung vnd außreuttung des heilwertigen / vnd Allein seligma-
chenden wort Gottes / vñ zuuerderbung der löblichen Deud-
schen Nation / ins Werck gerichtet / Darumb dann dieselbi-
gen Stende / aus / von Gott vnd der nature erlaubter jegen-
wehre / zur defension wider den Keyser vñnd seines Abgots zu
Rhome / vornemlich zu erhaltung vnd beschüzung vnserer wa-
ren Christlichen Religion / vnd hernacher zu verteidigung der
Deutschen Nation Libertet vnd freyheit / höchlich geursacht
wordē sein / wie das die derwegē öffentliche gethane außschrei-
ben gnugsam außweisen / Derhalben dann vor kurtzen tagen
yn sonderheit ein abdruck einer Schrifft / welche der Pabst an
die dreyehen Ort in Schweiz hat außgehen lassen / ahn den
Tag gegeben / Daraus augenscheinlich zubefinden / worinne
der Pabst den Keyser vorhehet / vnd das er ihnen dahin gebra-
cht habe / Ihme fürzunemen / Die wahre Religion mit dem
Schwerte zu dempffen / so ist man vnter des / in weitere / war-
hafftige Kunde vnd erfahrung kommen / Wes sich derselbigen
fürgenommen Krieges empörung halben / Pabst vnd Keyser /
wider Gott vnd sein heiliges wort / auch wider desselbē wort
bekenner vnd anhenger / verbunden / voreinige vñ vorglichen
haben / welcher verbundnus / voreinigung vnd vogleichnus
warhafftige Artikel hernacher volgen / Daraus ein jeder zu-
sehen / vñnd zugreifen / das es vmb des Pabsts vnd Keysero
angestalte Krieges empörung / kein ander meinung im grunde
hat /

hat/ Darzu daß der Pappst aus sonderlicher seiner heimliche
andacht/ der Römischen Kirchen güter auffsehen will/ Dar-
durch ihrer vormeinē hoffnūg nach/ die heilwertige lehre des
ewigē wort Gottes/ mith gewalt zudēpfē/ ihre Abgöttische/
vnchristliche Heucheley wider auffzurichten / der Löblichen
Deutschen Nation Libertet vnd freyheit zuberauben / vnd
dieselbige in ewige Seruitut vund dienstbarkeit zubringen/
darfür den der almechtige Gott / mit gnaden sein / sondern sein
heiliges wort / fur des Teuffels schupen gnediglich erhalten/
Den Euangelischen Stenden / wider solche götliche feinde /
zu Gottes ewigem lob vnd ehre / Sieg vnd vberwindung ge-
ben / vnd dardurch zeitlichen vund ewigen frieden wirken
wolle / Wie er dann ohne zweyffel thun / vnd sein ar-
mes heufflein nicht in ewigen vorderbe kommen
lassen / sondern sich also erzeigen wirdet |
das er der rechte H E R R E / vnd
mechtig im Streit sey. etc.

≠ ≠
≠

Folgen die Artikel:
welcher sich Pappst vnd Keyser /
ihrer angestalten Kriegs em-
pörung halben / wider die Euangeli-
schen Stende verbunden.

A ij Des

Des Papsts vnd des Keyfers Bunde.

ALS sich dann das Deudsch
Landt / genant Germania / nun viel vorscheine
jar / in grossem irthumb / vnd misglauben erfunden /

vnd nun ekliche jar darin verharret / daraus zubeforgen /
grosses schadens vnd verderbens / vnd zerstorung des Deud-
schen Landes / sich zutragen mochte / vnd als man nun ekliche
zeit alwegen hat wollen solchen misglauben / ein vorsehung
thun / Damit Spehn vnd Stos / zuuorm. iden / Vnd das
Deudsche Land in guter eynigkeit zubehalten. Hierauff ein
offen vnd gemein Concillium / zu Trient berufft / vnd gehalten
wordē ist / da aber die Protestirende / mit sampt dem Schmal-
kaldischen punt / sich nit in ein sollich Conciliū ergeben / noch
darein kommen wollen / welchs Concilium ist auffgethan / auff
den dritten sonntag im Aduent / negsuorschinen / darnach mit
der gnad Gotes / soutel verhandelt / vnd seit es gehalten / damit
es ein furgang nhemmen mochte.

Hierauff B. H. vnd Ke. Ma. fur gut / vnd fruchtbar an-
gesehen / das sie miteinander / diese nachgeschriebene Ca-
pitel / vnd Artickel auffgericht vnd angenommen haben / vnd
die ganz in allen trewen aneinander zuhalten / vñ nachzukom-
men / vnd das zu ehr / vnd lob / Gott dem almechtigen / vnd zu
guter eynigkeit / allermenniglichen / besonder des Deudschen
landes / so man Germanien nennet.

In dem ersten / das sein Ke. Ma. in dem namen Gottes / vnd
mit hülff / vnd beystande B. H. solle anfahen / auff negstkün-
ftigen Brachmonas / sich zu rüsten / vñ sich mit kriege sleuten
versehen /

152

26.



versehen) vñ was darzu zu kriegen gehöre / wider die / so wider
das Conciliū protestirt haben / vnd wider den Schmalkaldi-
schen Bundt / vnd wider alle die / so in disem mißglauben / vnd
Irthumb seind / des Deudschen landes / vnd das mit allem sei-
nem gewalde / vnd macht / damit er sie widumb bringe / in den
alten warhafftigen vngewisselten glauben / vnd gehorsam /
des heyligen Stuels / doch zwischen diser zulauffenden Zeit /
solle sein Ke. Ma. allen seinen müglichen fleis / vnd ernst an-
fere / ob er die widerspenigen / gütlich / one Krieg / vñ schlegel /
mochte widerumb zu dem alten glauben / vnd gehorsam / des
heyligen Stuels bringen / Doch nichts desterminder / so sol er
sich rüsten / so in der obgemelten zeit / solliches in der gütigkeit
mit gestillet mochte werden / das als dan sein Ke. Ma. zu dem
Krieg gerüst / vnd gefertiget sey.

Item / das sein Ke. Ma. kein vortrag / noch vberinkomüg
mit denen so wider das Conciliū protestirt habē / oder mit
dem Schmalkaldischē Bundt / noch mit keinem andern / so in
disem mißglaubē seind / annehmen / noch auffrichten solle / Das
so disem Krieg / oder glauben / der heyligen Christlichen Kir-
chē / widerig / oder zu nachtheil berühren möchte / one erlaubnus
vñ verwilligüg / B. H. oder der Legatē des heyligen Stuels.

Item / das B. H. schuldig vñ verpfflicht sey / in monats frist
nach bestettigung diser Capitel / das er zu Venedig erle-
ge / ein gute gewar sam / nemlich hundert tausent Kronē / welche
mit sampt den andern hundert tausent Kronē / so sein H. gegen
Auspurg geleget hat / sollent durch seiner H. Regenten / auch
zu dem Krieg verbräuchet werden / vnd sonst zu keiner andern
sach / So aber der Krieg nit forthgäg nehme / sonder gewen-
det / Als dann mügen sein H. solliche zweymal hundert tausent
Kronen / wider zu seiner gehorsam / vnd handen nehmen.

A iij Das

Das B. H. mit pflichtig / vñ verbunden schuldig sey / das
er xij. Tausent Italianer zu Fuß / versolden solle / Vnd
v. hundert leichte Pferde in seinem eigenen kosten / die vj. Mo-
nad zu diesem Krieg erhalten vnd bezahlen / vnd bey ihnen ha-
be / einer seiner Legaten / der sie regiere / vñ persönlich bey ihnen
seye / one die vberigen Hauptleut / so sie bey ihnen haben wer-
den / So aber der Krieg / vor vj. monaten geendet würde / Als
dann so hat sein H. souiel beuor.

Bepfliche H. hat auch vorwilliget / das Ke. Ma. sol / vnd
müge / den halbē teit aller Kirchen in Hispanien / eines Jhars
eingehend / einnehmen / vnd sollich gut / zu diesem Krieg gebrau-
chen / Wie dann Ke. Ma. schon die Brieff / vnd Bullen wor-
den seind / in gemeiner form / vñ wie dan brauch ist / sollich Bul-
len zugeben.

Bepfliche H. hat auch vorwilliget / vnd nachgelassen / das
Ke. Ma. sol vñ müge / fur fünffmalh hundert Tausent Kronen /
rent / zins / gut oder lehen / der Klöster in Hispaniē verkauffen /
vnd sollich gelt / an diesen Krieg legen / vñ brauchen / vñ sonst
zu keinem andern nutz / Doch mit diesem anhang / das sein Ke
Ma. sol den Klöstern / denen er also darinnē ihr güter / zinsen /
lehen / oder einkommen / so er hat / es sey so man nennet interes /
oder andern seiner güter eingehnde / als viel dargegen ersehen /
vnd eingeben / das sich den verkaufften gleich ertragen müge /
Vnd darumb das seine H. ein vngehorte sache / seiner Maje-
vorwilliget / so sollen solche verkauffte der Klöster güter / so ih-
nen ersetzt sollen werden / beschehen / mit allen guten mitteln /
vnd nach seiner H. gefallen / vnd mit seiner Comissarien anse-
hen / vnd willen

So

Soes sich begeben/ oder zutragen würde/ das einiger Fürst/
oder Herligkeit/ oder Herffschafft/ sich erhuben/ on beson-
der billich vnd redlich vrsachen/ vnd sich furneme/ B. H. vnd
Ke. Ma. in diesem irem furnemen/ vnderständen zubetrüben/
vnd zuuorhindern/ das als dann sein H. vnd Key. Ma. einer
dem andern schuldig/ vñ vorpfflicht sein/ einander mit allē mit-
teln/ beystande zuthun/ nach allem vermügen/ solliche vorhin-
derung einhelliglich zurechenen/ Damit in diesem guten für-
nhemen/ sie nicht geirret/ noch gehindert werden/ Welche vor-
pfflicht/ soll all dieweil in kreffte stehen/ Solang dieser Krieg
wehret/ vnde noch vi. monat darnach.


Sie lassend auch jedem Christlichen Fürsten/ oder bofschaff-
ten/ sie sein geistlich oder weltlich/ vñnd gemeinlich allen
andern Fürsten/ Stenden vñ Communen/ des Deudschen lan-
des Christlichen glaubens/ freye wahl/ das sie zu ihnen wägē/
in diese bündenus treten/ vnd kommen/ jeder nach seinem stande
vnd vermügen/ mit der beschwerde vnd ehr/ das dann von nö-
ten sein mag.

Zu mehrerer leutterung/ vnd vorsicherheit/ der obgeschrie-
benen Artikel/ vnd capiteln/ So sollen sie angenommen/
vñ bestetiget werde/ auff zinghandē Brachmonat/ vorstehet
sich in diese Brachmonat/ des jars als man zale M. D. xlvj
Dann diese Capitel seind wol vorlengst geschrieben/ vñnd sich
dessen voreinbart/ Aber sie seind erst zu Rom vnderschriften/
durch B. H. auff den xxvj. tag des Brachmonats dieses jars
in beywesen des Erwürdighsten/ vñnd durchleuchtigen Cardi-
nals/ von Trient/ vnd der Herren der Sion/ der Vene-
diger/ der Key. Ma. Rath/ vnd Sandboten.

AB 153 004

(X 1998578)

Ti 53



157
157



Warhafftiger Abdruck
 der Artickel / welcher sich Bepfliche
 Heiligkeit / mit dem 3igen Keyser Karolo verglichen vnn
 verbunden/belangende den vberzug / auff die Euangelischen
 Stende / zu derselben wahren Religion Aufstellung vnd vnterdrückung.
Psalmus / xxvii.

H E R gib ihnen nach ihrer that / vnn nach ihrem bösem
 wesen / Gib ihnen nach den wercken ihrer hende / vorgilt ihnen
 was sie vordienet haben / Dann sie wollen nicht achten auff
 das thun des H E R R E N / noch auff die werck seiner hende /
 Darumb wurde er sie zubrechen / vnd nicht bawen.

